



Na osnovu člana 24 Zakona o Tužilaštvu Brčko distrikta Bosne i Hercegovine („Službeni glasnik Brčko distrikta BiH“ broj: 19/07), u skladu s članom 3 Uputstva za izradu planova za rješavanje predmeta ratnih zločina tužilaštvima, broj: 12-02-2-3225-1/2020 od 16.12.2020. godine i zaključcima Stalne komisije za efikasnost i kvalitet tužilaštava VSTV-a od 15.6.2022. godine, te na osnovu člana 13 i 14 Pravilnika o unutrašnjoj organizaciji i poslovanju Tužilaštva Brčko distrikta Bosne i Hercegovine - prečišćen tekst, broj: A-310/19 od 31.3.2022. godine, glavni tužilac Tužilaštva Brčko distrikta Bosne i Hercegovine d o n o s i

REVIDIRANI PLAN ZA RJEŠAVANJE PREDMETA RATNIH ZLOČINA ZA 2023. GODINU

Član 1 (Predmet)

Revidiranim Planom za rješavanje predmeta ratnih zločina u Tužilaštvu Brčko distrikta BiH za 2023. godinu (u daljem tekstu: Plan rješavanja predmeta ratnih zločina) utvrđuju se broj i struktura predmeta ratnih zločina u Tužilaštvu Brčko distrikta BiH (u daljem tekstu: Tužilaštvo) planiranih za rješavanje tokom 2023. godine.

Član 2 (Broj, raspored i dužnosti tužilaca)

- (1) Planirano je da na izvršenju Plana rješavanja predmeta ratnih zločina rade dva tužioca i jedan stručni saradnik.
- (1) Utvrđuje se obaveza tužiocima zaduženih Planom rješavanja predmeta ratnih zločina da tokom planskog perioda završe predmete obuhvaćene Planom, odnosno pojedinačnim planovima za rješavanje predmeta ratnih zločina koji se na njih odnose.

Član 3 (Iskazivanje Plana)

- (1) Plan rješavanja predmeta ratnih zločina iskazuje se tabelarnim prikazom ukupnog broja predmeta ratnih zločina sa njihovim oznakama, postupajućim tužiocima i ostalim parametrima iz člana 4. Uputstva za izradu planova za rješavanje predmeta ratnih zločina u tužilaštvima, broj: 12-02-2-3225-1/2020 od 16.12.2020. godine (u daljem tekstu: Uputstvo).
- (2) Za prikaz iz stava (1) ovog člana koriste se obrasci 1 i 2 utvrđeni Uputstvom u koje su uneseni podaci o predmetima planiranim za rješavanje tokom 2023. godine.

- (3) Izuzetno od stava (2) ovog člana KTNRZ i KTARZ predmeti uneseni u obrazac 2, ukoliko drukčije nije izričito naznačeno, ne predstavljaju predmete planirane za rješavanje, već ukupni prikaz predmeta u radu i radnji koje se planiraju preduzimati u njihovom rješavanju (tabele 2b i 2c).
- (4) Nakon popunjavanja tužilačke pozicije u Odsjeku za ratne zločine, predmeti za koje je ranije bila zadužena tužiteljica Amela Mustafić, u planu se nadalje, u obrascu 2, tabelama 2a), 2b) i 2c), evidentiraju kao predmeti u radu tužiteljice Dijane Azapagić
- (5) Ukupan broj KTNRZ i KTRZ predmeta planiran za rješavanja iskazuje se u obrascu 1. u koloni koja se odnosi na tekuću plansku godinu.

Član 4 **(Aktivnosti glavnog tužioca)**

- (1) Glavni tužilac će vršiti nadzor nad izvršenjem Plana rješavanja predmeta ratnih zločina uvidom u evidencije o predmetima ratnih zločina i preduzimanjem drugih mjera iz svoje nadležnosti.
- (2) O stepenu izvršenja Plana rješavanja predmeta ratnih zločina tužioci su dužni izvještavati glavnog tužioca dostavljanjem periodičnih izvještaja i obavještenja relevantnih za preduzimanje mjera iz njegove nadležnosti.
- (3) Glavni tužilac će kontinuirano pratiti realizaciju Plana rješavanja predmeta ratnih zločina i putem Kolegija Tužilaštva i na drugi prigodan način upoznavati tužioce o ostvarenim rezultatima, te mjerama koje se u tom pravcu imaju preduzeti.
- (4) Glavni tužilac dostavlja godišnji izvještaj o realiziranju Plana rješavanja predmeta ratnih zločina Visokom sudskom i tužilačkom vijeću Bosne i Hercegovine zaključno s 15.01.2024. godine.

Član 5 **(Stupanje na snagu)**

Plan rješavanja predmeta ratnih zločina stupa na snagu danom donošenja.

Broj: A - RZ- 22/2021
Brčko, 30.6.2023. godine

GLAVNI TUŽILAC

ZEKERIJA MUJKANOVIĆ

Dostavljeno:

1. Visokom sudskom i tužilačkom vijeću BiH
2. Tužiocima Odsjeka za ratne zločine 2 x;
3. a/a 1 x

Obrazac 5

Mjere glavnog tužioca ka unapređenju realizacije plana

Tužilaštvo:	TUŽILAŠTVO BRČKO DISTRIKTA BIH
Datum:	30.06.2023.
Broj dokumenta tužilaštva:	A-RZ-22/2021

Broj i oznaka predmeta	Mjere koje je glavni tužitelj poduzeo sukladno čl. 11, st. (1), (2) i (3) Uputstva
svi spisi	<p>Glavni tužilac je vršio nadzor nad izvršenjem Plana rješavanja predmeta ratnih zločina uvidom u evidencije o predmetima ratnih zločina i preduzimanjem drugih mjera iz svoje nadležnosti. O stepenu izvršenja Plana rješavanja predmeta ratnih zločina tužioci su izvještavali glavnog tužioca dostavljanjem periodičnih izvještaja i obavještenja relevantnih za preduzimanje mjera iz njegove nadležnosti.</p> <p>Glavni tužilac će nastaviti kontinuirano pratiti realizaciju Plana rješavanja predmeta ratnih zločina i putem Kolegija Tužilaštva i na drugi prigodan način upoznavati tužioce o ostvarenim rezultatima, te mjerama koje se u tom pravcu imaju preduzeti.</p> <p>Glavni tužilac istekom svakog kvartala planskog perioda vrši reviziju Plana rješavanja predmeta ratnih zločina i evaluaciju ukupno ostvarenih rezultata, na osnovu kojih se provodi polugodišnja korekcija ovog planskog dokumenta. Glavni tužilac će istekom planskog perioda izvršiti konačnu reviziju Plana rješavanja predmeta ratnih zločina, a daljnje povećanje broja predmeta u radu obuhvatit će se Planom za 2024. godinu. Primjenjuje se Obavezujuće uputstvo o obligatornom poštivanju ciljeva i mjera utvrđenih revidiranom državnom strategijom za rad na predmetima ratnih zločina, kao i odluka, zaključaka i preporuka Nadzornog tijela.</p>